



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Melos, Sive Oda De Nuptiis VVolfgangi Rechlinger, Caroli  
VVolfgangi F. Patricij Augustani, Sponsi nobilissimi: Et  
Euphrosynae Hainzeliae, Magni illius Ioan. Baptistae  
Septemviri F. Patriciae ...**

**Reusner, Nikolaus**

**Lavingae, 1582**

**urn:nbn:de:hbz:466:1-12450**




L. VI

9

Th. 5859.





MELOS, SIVE  
Oda

DE NVPTIIS

VVOLF GANGI

RECHLINGERI, CAROLI

VVolfgangi F. Patricij Augustani,

Sponsi nobilissimi: Et Euphrosyna

Hainzelia, Magni illius Ioan. Ba-

pistæ Septemviri F. Patricia

Augustanæ. Sponsæ

nobilissimæ.

Cum eiusdem argumenti Epigram-  
matis quibusdam.

NICOLAUS REVSNERVS

IC. & P. C.



LAVINGÆ

XI. Kal. Maias. M. D. XXCII.

21



Melos Epithalamion.

VVOLFGANGO

RECHLINGERO PA-

TRICIO, ET EUPHROSYNÆ

Hainzeliæ, Patriciæ in inclyta Augusta

vrbe imperij, SPONSO,

Sponsæque.



*VI ducit uxorem forma*

*(elegante, sed*

*Fama parum probata:*

*Is ducit uxorem oculis, at*

*(non auribus.*

*Sic diuitem lucratur*

*Qui coniugem, sed improba fama, ac simul*

*Inelegante forma:*

*Nec auribus, nec oculis, sed digitis magis*

*Desponsat is maritam.*

*Nam forma sicut oculorum, sic aurium*

*Fit illecebra fama:*

*At luculentæ capiat dotis aureos*

*Manus proterua tactus.*

*Cuique sponso sponsa sic placet sua:*

*Suum cuique pulcrum.*

*A z AT*



*AT tu modis multis es ò beatior  
VVOLFGANGE: qui maritam  
Nec auribus, nec oculis, nec digitis procax  
Solum tuis cupitam:  
Sed auribus, sed oculis, sed digitis simul  
Pulcram inuenis puellam:  
Cui nomen vna Gratiarum dat Soror  
Suum, vocata Graijs  
EVPHROSYNA, dux voluptatum illa ama-  
Regina gaudiorum. (bilis,  
Probata nam fama, formaque est elegans,  
Ac dote luculenta.  
Magna hæc quidem sunt coniugis proba bona:  
Maiora sunt at illa:  
Quod virginalibus tot est virtutibus,  
Ac laudibus decora.  
Nam mente prudens est, & casta moribus  
Suauique comis ore:  
Pia in Deum, ac parentes: & rectè sciens  
Seruare rem, domumque:  
Magni illius Septemviri clarissima  
HAINZELII propago:  
Quem Musa terris, quem Fides cælo beat  
In omne semper æuum:  
Te digna coniux tali nympha coniuge,  
VVOLFGANGE, nunc futura:*

Par g  
Patri  
O VO  
Sic co  
Salue  
Amb  
Iugo,  
Veris  
Neg  
Quin  
Pli's  
Fera  
Prej  
Pat

RELIUM  
opuscul

Par gente cui, tua ac parentum gloria  
Illustris esse gaudes :  
Patrie domus lumen, Rei que publica  
Quondam decus futurus.  
O VOS beatos ter quaterque coniuges :  
Quos copula beata  
Sic copulator ipse copulat Deus :  
Saluete, ter quaterque  
Saluete vos amabò: ac sospites diu  
Sic viuite, et valete :  
Ambo pares amoribus, cen moribus :  
Iugique coniugati  
Iugo, sic este cordibus concordibus :  
Ne tæda post iugalis  
Vitisque vitæ tædiosum sit iugum :  
Nec amaror ex amore  
Negociosus vobis sic amantibus  
Generetur ocioso.  
Quin lacte semper, ac mero felix torus  
Sic diffluet : nec vnquam  
Plus triste fel, quàm dulce mel exuberet :  
Sed litis omnis expers,  
Feraxque prole floreat semper noua,  
Et Copia beata :  
Presentis aui saturos donec vos Deus  
Aeue beet futuro.

EPIGRAMMATA.

Ad VVolfgangum Rech-  
lingerum Patr. August. Sponsum.

Quæ thalamo nubit tibi nunc VVOLFANGE  
(ingall)

*EUPHROSYNE*: Charitum nomine letatit  
Letitia vna tibi, vel Gratia sola futura est.

Nam Charitum trias est sola, vel vna monas.  
Sic anima est anima, & cordis cor amabile nupta

*EUPHROSYNE*, & vitæ viuida vitæ tana.  
Nec Lis iam turbare torum, nec Cura valebit:

Letus amor Charites, Paxque, Quiesq; decet.  
Faxit Hymen, vnum quum sitis corpus, Amore  
Tu generes, Charites nixa det illa nouas.

Ad Euphrosynam Hainze-  
liam, Ioan. Bapt. F. Patr. August.  
Sponsam.

Tres quondam Charites finxit veneranda vetustas,  
Euphrosynen, Thalian, Aglaianque deas.

Finxit & has saltem, sed re nõ præstiti vnquam.  
At mihi vera magis, quàm modò ficta placent.

Aut vt ficta minus credam: quàm mortua, viuos  
Semper delectant corpora viua magis.

Quid sibi vult istud? Charis aut es sola, vel vna  
*EUPHROSYNE*, Charitum maxima quæ  
(soror est,

Gratia, forma, decus respondet, & ipsa venustas  
Corporis: & nomen res facit esse ratum.

Ad Carolum VVolfgangū

Rechlingerum, Patricium Augul-  
tanium, Sponsæ Socerum.

Si quis sensus inest defunctis, CAROLE, morte:  
Dum celebras nato connubiale sacrum:

Credo equidem, facer ille tuus SEVTERVS,  
(et vna

CONRADVS profocer PEVTIGER  
(ille tuus:

Masarum antistes, & inuis cultor vterque:

Percipiunt animo gaudia vera suo:

Quando sua gentem cum gente coire vetustam

Tot claram cernunt, conspicuamque bonis:

Quam Pater ille noua commendat denique nuptæ:

Sospite quo nuper patria sospes erat:

Quo moriente, mori simul ipsa videtur: & orba,

Flet mæstis, tanquam patre, gemitque modis.

Et merito. nam laude sua simul, atque suorum

Censeri, generis maior habetur honos:

Sicque manet patrum virtus in gente nepotum

Semper: & augetur mentis honore genus.

Dij faciant, vt sic tua sorte propago secundâ

Crescat: & æterna laude perennet ouans.

A 4 Ad

Ad Ioan, Henricum, & Io  
Baptistam, & Io. Fridericum Hainzelios,  
Patr. August, Sponsæ Fratres.

*Non eadem fortuna, nec est fors vna dierum:*

*Tempestas eadem nec solet esse diu.*

*Ipsa dies pia nunc mater, nunc dira nouerca est:*

*Post tenebras lux, post nubila Phœbus adest.*

*Omnia tempus habent: luctus, & gaudia secum,*

*Sed vice fert grata, proxima quæque dies.*

*Namque voluptatis comes est dolor: vnaq; sortet*

*Fert Iouis, vna bonas, altera plena malas,*

*Post luctum sic læta refert modò gaudia vobis*

*Fausa dies, versu concelebranda meo:*

*Qua soror EUPHROSYNE VVOLF-*

*(GANGO cara mariti*

*Nubit, Acidalia pulcior Euphrosyna:*

*Exemptum morum magnum, castique pudoris,*

*Ac decus: & sexus gloria magna sui.*

*Sic RECHLINGERA cum gente HAIN-*

*(ZELIA fœdus*

*Gens init, & pactum connubiale facit.*

*Gratulor, & si quid possum, mea pectora cara,*

*Largiter ex animo iam bona verba precor:*


*Gaudia ne luctus, vel mœror amaricet vllus:*

*Et, quod cœpistis, sic benè cedat opus.*

Ad

Ad Carolum, Car. VVolf-  
gangi F. Rechlingerum, Patricium Au-  
gustanum, Sponsæ Leuirum.

*Spes ab Ausonia quod sis regione reuersus:  
Gratulor, & letor, CAROLE, spontè tibi.  
Nam cum fratre tuo festum celebrare iugale  
Sic potes, & thalamum condecorare sacrum.  
Fallor? an & sponsus tu nunc eris alter ab illo?  
Sæpe nouum secum fert hymenæon hymen.  
Spectatum venies: venies specteris vt ipse:  
Crede mihi, spes mox huius, & huius eris:  
Optet amatorem quæ toto pectore fidum:  
Ac sponsum cupido te vocet ore suum.  
Nam blandos in te vna, vel altera figet ocellos:  
Protinus in niueo cui micet ore rubor.  
Laudo, nec inuideo. nam dignus coniuge digna es:  
Qui decoras animi nobilitate genus.  
Omen in euentu est: euentum deinde gubernet,  
Qui mentem vobis hanc dabit, ipse Deus.*



A S EPI

EPIGRAMMATA  
quædam alia, eiusdē generis.

Laus Matrimonij.

Q HORATII FLACCI

*Felices ter, & ampliùs:*


*Quos irrupta tenet copula: nec malis  
Diuisus querimonijs,  
Suprema citiùs soluet amor die.*



Typus coniugij.

AVR. PROPERTII.

*Exemplo juncta tibi sint in amore columba  
Masculus, & eorum femina coniugium.*



Finis coniugij.

L. ANN. SENECAE.

*Prouidit iste maximus mundi parens:  
Quum tam rapaces cerneret faci minas:  
Vs dumna semper sobole repararet noua.*

REVVS.

N. REVSNERI.

*Nec mundus sine sole, nec est sine prole, quod ai-*  
*Felix conjugij, lætificusque torus.* (unt<sub>3</sub>)

GREG. BERSMANNI.

*Vilescit sine fruge solum, sine fructibus arbor:*  
*Et sine luce focus, & sine prole torus.*



Felicitas coniugij.

AVR. PROPERTII.

*Felix Admeti coniux, & lectus Vlysis:*  
*Et quæcumque viri fœmina limen amat.*



Tranquilitas coniugij.

N. REVSNERI.

*Coniugium felix vt sit, blandumque : maritus*  
*Surdus sit, coniux cæca sit ipsa domi.*

SEBAST. SCHEFERI.

*Altera luminibus quando caret, auribus alter:*  
*Improba coniugium tale querela fugit.*

Pari-



Paritas coniugij.

P. OVIDII NASONIS.

*Ab malè inæquales veniunt ad aratra iuuenes:  
Si qua voles aptè nubere, nube pari.*

IVL. CÆS. SCALIGERI.

*Iactatum ab epigrammate luculenter audi:  
κατὰ σαυτὸν εἰλα: maxima concordia lecti est.*



Concordia coniugij.

IVL. CÆS. SCALIGERI.

*Concordia fratrum, atque tori, sunt duo rara:  
Sed rara duo fœdera firmissima cœli.*

N. REVSNERI.

*Felix est vxor, felixque maritus: amantium  
Par, quum par coniux ducit vterque iugum.*



Coniugium γλυκὺ πικρῶν.

GREG. BERSMANNI.

*Dulcis amarities amor est: tibi tristia letis  
Alternans miscet dulcis amarus amor.*

CONR

CONR. LEII OROCRENII.

*Coniugium primus qui DVLCE vocavit AMA-*  
(R/M:

*Is docuit, quicquid tæda jugalis habet.*

EIVSDEM.

*Coniugium Latio cur dictum est tæda jugalis?*  
*Anne quod istud habet tædia multa jugum?*



Probæ vxoris virtutes.

M. ACCII PLAVTI.

*Non probæ ego vxoris doxem esse duco, quæ dos*  
(dicitur:

*Sed pudicitia, & pudorem, & sedatum cupidinē:*  
*Desum metum, parentum amorem, cognatum con-*  
(cordiam:

*Morigera vt viro, & munifica sit bonis, ac prosie*  
(probis.

Q. HORATII FLACCI.

*Dos est magna parentium*

*Virtus: & metuens alterius viri*

*Certo fœdere castitas:*

*Et peccare nefas, aut precium est mori.*

D. AVSONII.

*Quæ dos vxoris pulcerrima? Vita pudica.*

IVL.

E I F J

PL

IVL. CÆS. SCALIGERI.

*Ne jactet cui stemmata, ne patris talenta,  
Non dote, sed esto ardua matrona pudore.*




Malæ vxoris aciditas.

IVL. CÆS. SCALIGERI.

*Vxoris ineptos animos, atque proteruos  
Obtundere si non potes: hoc tibi putato  
Datum, ad exacuendum patientiam virilem:  
Nec verba timeto fera: nec sperne monentem.*

N. REVSNERI.

*Spontè fer vxoris vitium, vel tolle coactus.  
Si fers, tu melior: sin tollis, fortè fit ipsa  
Commodior. quòd si potes hoc vtroque carere:  
Felix es nimium coniux, nimiumque beatus.*



IN AMOREM.

P. MELISSI.

*Nil amor est aliud, si nescis, quàm sine vita  
Viure: nil aliud, quàm sine morte mori.*

IO. POSTHIL.

*Nil ego amare aliud puto, quàm sine viure vita:  
Quàm sine morte mori: requies est plena laborum*

*Stultus*

Stultus amor: longo comitata dolore voluptas.  
Principiumque malorum idem, finisque bonorum.

N. REVSNERI.

Mors viuens amor est, aut certè mortua vita:  
Irrequieta quies: dulcis amaror amor.

EIVSDEM.

Qui mortem in vita, vitamque in morte ministrat:  
Res est iucundi plena doloris Amor.

EIVSDEM.

Mors sine morte, amor est: sine vita, vita: quid in-  
Nec moritur, viuit nec sibi, quisquis amat. (de?)

EIVSDEM.

Omnis amans, amens: amor est amentia: nemo  
Sanus in insano prorsus amore sapit.

IVL. CÆS. SCALIGERI.

Nullam oderis: at quæ te amat, hanc amare te  
(æquum est:

Quæ te non redamat, dixero te hanc amare stultè:  
Perdes operam, rei que amata eris molestus.

~~~~~  
VT AMERIS, AMABILIS ESTO.  
~~~~~


FINIS.

~~~~~  
LAVINGÆ

Excudebat Leonhardus Reinmichælius.








REIJSNUT  
opusculu













Th

5859